



Terenga 6: Hōtaka 8 – Pūmuri

He Mihi

Kei aku manu wheko ata, kei aku hau kōkōuri kua pūhia mai nei ki roto ki te whare o Ako, kia ora huihui katoa anō tātou.

Hei Mahi Whakarongo

He tokorua waiata te mahi whakarongo mō te rangi nei, ā, e waiata ana rāua i tētehi o ngā waiata rongonui nā Whirimako Black. Anei ngā pātai hei whakautu mā koutou:

- 1) He aha tētehi pātai i roto i te waiata?
- 2) He aha tētehi tohutohu i roto i te waiata?
- 3) Ka rea te kākano o te aha?

Kia whakarongo ake ki te kaupapa o tā rāua waiata.

He Whakamārama


He rite tonu te rangona o te hapa pēnei i tēnei e whai ake nei.

“Tēnei au, e tuku mihi atu ki a koutou.”

Ka mahue i ētehi kaikōrero ngā pūmuri ‘**nei, nā, rā, ai**’ i ā rātou rerenga kōrero. Anei ētehi taurira:

1. He aha koe i pērā **ai**?
2. Ko wai tērā e haere mai **rā**?
3. Me pēhea koe e mōhio **ai**?
4. Ko ia te tangata i kōrero **rā** tāua?
5. Tēnei ahau, te tuku mihi **nei** ki a koe, e koro.

He Mahi Ī-papa



Whakamāoritia ngā rerenga kei ngā ĩpapa

Hei Mahi

Whakatikaina ngā rere nanu e whai ake nei kia tika ai te raupapa o ngā kupu.

1. Rotorua tangata koirā rā te i tāua i kite
2. pēhea roto me kāinga te ai ora e i i te reo
3. ringawera kei a nei mihi e tēnei ngā koutou ki atu tuku mātou
4. te he rere e te i ake rangi nui waka rā

Whakautu:

Mahi ĩpapa: Koinei te mea i hiahia **rā** koe?

Hei Mahi:

1. Koirā te tangata i kite rā tāua i Rotorua.
2. Me pēhea te reo e ora ai i roto i te kāinga.
3. Tēnei mātou e tuku mihi atu nei ki a koutou, kei ngā ringawera.
4. He nui te waka e rere ake rā i te rangi